

Luka 17:5 Apoxtolo aphemba Yezu kuti: "Mbuya, tithimizireni kukhulupira kwathu!"

ARoma 10:17 Na thangwi eneyo, kukhulupira kusabwera na kubva, kubva mafala a Kirixtu.

Luka 11:1 Ntsiku inango Yezu akhaphembera pa mbuto ibodzi. Pidamala iye, nyakupfundza wace m'bodzi am'phemba mbalonga kuti: "Mbuya, tipfundzisenimbo kuphembera, ninga pidacita Juwau Bhatixta apfundzisa anyakupfundza ace."

1 Timoti 2:1-4 Pakutoma, ndisaphemba kuti mudembetere, muphembere, muphembererane na kuperekera takhuta kuna Mulungu pa thangwi ya anthu onsene, 2 kuli amambo na kuli onsene ale anaphata basa ya utongi, toera tikhale na makhaliro a kutsandzaya na ntendere, pontho na kugopa Mulungu na cilemedzo consene. 3 Penepyo mphiyadidi pontho mphiyakutsandzaisa patsogolo pana Mulungu, Mpulumusi wathu, 4 anafuna kuti anthu onsene apulumuke, pontho afike pakudziwa undimo mwene.

Luka 22:31 Yezu athimiza na kulonga kuti: "Simau, Simau. Sathani aphemba kuti akupepeteni ninga tirigu.

Zakariya 3:1,2 - Djuda - Yuda 1:9 Mbwenye pa nthonga idacita anju wa nkulu anacemerwa Migeli na Dyabu, na thangwi ya manungo a Mozesi, iye hadalesera kumulongera mafala akuxola tayu, mbwenye ampanga kuti: "Mulungu mbakusandike!"

AEfesu 6:12 thangwi nkhondo yathu si yakumenyana na ale ana ciropa na nyama tayu, mbwenye ndi yakumenyana na mphambvu na utongi na ale anatapata dziko ino ya cidima, pontho na mphambvu za mizimu ya kuipa iri m'mbuto za kudzulu.

AEfesu 6:10,11 Pakumalisa, wangisirani muna Mbuya, na mphambvu zace zikulu. 11 Bvalani piphano pyonsene pya Mulungu, toera mukwanise kukunda manyengerero a Dyabu,

AEfesu 6:13-17 Na thangwi eneyo, bvalani piphano pyonsene pya Mulungu, toera mukwanise kuwangisira pa ntsiku ya kuipa pontho mukhonde kutekenyeka, pakumala kumenya kwanu nkhondo yonsene. 14 Na tenepo, khalani dzololo mbamumanga undimo mwene n'cunu mwanu ninga bhande, mbamubvala kulungama ninga nthembe yakugugumira nthimandzi yanu 15 pontho kusasanyira kwanu kwa kwenda kamwaza Mphangwa Zadidi za ntendere, mbakukhale ninga ntsapato m'myendo mwanu. 16 Midzidzi yonsene kwatani cikhulupiro ninga cigugumiro canu, toera imwe mukwanise kuthimisa mapsimu akugaka a Nyamalwa. 17 Bvalani upulumuki ninga capeu ca utale, pontho na tarasada ya mu Nzimu, ndiyo fala ya Mulungu.

MuHebhereu - AHeberi 4:12 Thangwi fala ya Mulungu isapulumusa, pontho inamphambvu. Iyo nja kutwa kakamwe kupita matarasada onsene anaceka khundu na khundu. Isapita mpaka pakati-na-kati padagawika nzimu na ndzeru, m'mafunyiro a magogodo na mu unong'o-nong'o, mbiweza manyerezero na ndzeru za muntima.

Luka 4:8 Yezu antawira tenepa: "Pyalembwa kuti: 'Lambira Mbuya Mulungu wako, mbuphatira basa lye ekha basi.' "

AEfesu 6:18 Phemberani mu Nzimu pa midzidzi yonsene, na maphembero onsene pontho na kudembetera konsene. Citani mphole pa pinthu ipi, wangisirani kakamwe kuphemberera mbumba yonsene ya Mulungu.

1 Samueli 17:45-47 - Dhavidhi & Goliath

Luka 10:17-20 Anyakupfundza makumanomwe na awiri ale, abwera kuna Yezu na kukomerwa pikulu kakamwe, mbalonga tenepa: "Mbuya, na dzina yanu, na mizimu ene ya kuipa ikhatibverambo!" 18 Yezu aapanga kuti: "Ine ndaona Sathani mbakhabuluka kudzulu mbagwa pantsi ninga njazi. 19 Lang'anani, Ine ndakupasani mphambvu za kuponda nyoka na makong'a, na za kukunda nazo mphambvu zonsene za nyamalwa. Nkhabe cinakwanisa kukucitani kuipa. 20 Mphapo lekani kukomerwa na thangwi ya kukubverani kunacita mizimu ya kuipa. Mbwenye komerwani thangwi madzina anu alembwa kudzulu."

2 AKorintu 10:3-5 Ande, ife ndife anthu ene pyathu, mbwenye mamenyero athu a nkhondo, asiyana na anacita anthu. 4 Pida pinamenya na ife nkhondo si pya dziko ino tayu, mbwenye pina mphambvu muna Mulungu za kufudza mipanda ya anyankhondo. 5 Tisafudza ndzeru pontho na kupikuza konsene kunapingiza njira zonsene za kudziwa Mulungu, mbatitapata manyerezero awo onsene kuti akhale akubvera Kirixtu.

2 Timoti 1:7 Thangwi Mulungu hadatipasa Nzimu wa kugopa tayu, mbwenye atipasa Nzimu wa mphambvu, wa kufunana na wa kukhurudzika.

Mateyu - Mateu 12:28,29 Mbwenye ngakhala Ine ndisathamangisa mizimu ya kuipa na mphambvu za Nzimu wa Mulungu, nkhulongera kuti Umambo wa Mulungu wafika muna imwe. 29 "Peno, munthu anakwanisa tani kuphweta nyumba ya ndzace wa mphambvu toera kum'bera pinthu pyace, pakutoma mbadzati kum'manga? Angamala, anakwanisa kum'bera n'nyumba mwace.

AEfesu 1:13 Muna lye imwe mwabva fala ya ndimo mwene, Mphangwa Zadidi zidakupulumusani, imwe mwatawira, mbamudhindwa muna Kirixtu na Nzimu Wakucena udadumbirirwa.

Machitiro - Mabasa 19:6 Penepo Paulu aaikha manja, Nzimu Wakucena mbudza kuna iwo, onsene mbatoma kulonga malongero anango akukhonda kudziwika, pontho na kulonga ciporofeta.

Marku - Marki 16:15-18 Yezu aapanga tenepa: "Ndokoni pa dziko yonsene ya pantsi pano, mbamumwaza Mphangwa Zadidi kuna anthu onsene. 16 Ule anatawira mbatambira batixmu anapulumuka, mbwenye ule anakhonda

kutawira, anatongwa. 17 Kuli ale anatawira anadza kapaswa mphambvu za kucita pirengo ninga ipi: Na dzina yanga, anathamangisa mizimu ya kuipa, analonga malongero mapsa, 18 anaphata nyoka, angamwa ntombwe wa kupha munthu, nkhabe kuacita pyakuipa, ponho angaphemberera atenda mbaasandzika manja, iwo ana wanga.”

1 Juwau 1:9 Mbwenye tingadambula madawi athu kuna Mulungu, Iye ndi wakunyindirika na wakulungama, toera kulekerera madawi athu, na kutitsuka kuipa konsene.

MaSalimu - Zaburi 109:17 - Tiyago - Yakobo 3:10 Pa mulomo ubodzi-bodzi pasabuluka nkhombo na dzedze. Abale anga, penepi mbapileke kucitika!

Mwambo - Anatonga - 16:16 - 2 Pedhru - 2 Petru 2:7,8 Mbwenye apulumusa Loti mamuna wakulungama, akhatsukwala na pyakuzuda pikhacita anthu akusowa ntemo. 8 Thangwi mukhakhala iye pakati pavo, mamuna unowu wakulungama, ntsiku zonsene ntima wace ukhamupha na pyakuipa pikhabva iye na pikhaona iye.

AEfesu 4:26 “Imwe mungaipirwa, lekani kudawa.” Lekani kukhala mbumudaipirwa mpaka kufikira dzuwa yadoka,

ARoma 14:12 Mphapo, m'bodzi na m'bodzi wathu, anati atawire ekha ene pikhacita iye patsogolo pana Mulungu.

1 Juwau 2:23 Onsene anakhonda Mwana, unowu nkhabembo Baba. Mbwenye ule anamulonga pakweca, unowu ana Baba.

Juwau 14:6 Yezu atawira tenepa: “Ine ndine njira, ndine wa ndimo mwene ponho ndine upulumuki. Nkhabe m'bodzi anaenda kuna Baba, mbakhonda kupita na pana Ine.

Mateyu - Mateu 11:28-30 “Imwe monsene mudaneta, mbamupondererwa, bwerani kuna Ine. Ine ndinadza kakupumisani. 29 Kwatani ntolo wanga, ponho pfundzani na Ine, thangwi Ine ndine wakukhurudzika ponho ndina ntima wakupicepesa. Na tenepo, munagumana kupuma n'kati mwa mitima yanu. 30 Thangwi mwambo wanga nkhabe kunentsa, ponho ntolo wanga ndi wakululupa.”

2 AKorintu 6:2 Thangwi Mulungu alonga tenepa: “Ine ndakubva pa n'dzidzi wadidi, ponho ndakuphedza pa ntsiku ya kupulumuswa.” Lang'anani, cincino ndiwo n'dzidzi wadidi, cincino ndiyo ntsiku ya kupulumuswa!

ARoma 10:13 Thangwi “onsene ale anacemera dzina ya Mbuya, anapulumuswa.”

Exodus 20:5 - sin cursed to 3 & 4 generations